

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### LURRALDE OREKAREN SAILA

**86/2019 Foru Agindua, azaroaren 13koa. María Lourdes Miranda Lafuente andrea Eskuernagako, Samaniegoko eta Mañuetako udal elkarteko idazkari-kontuhartzaile izendatzea, bitarteko funtzionario gisa**

Apirilaren 5eko 103/2019 Foru Aginduaren bidez, Ágata Ariane López Santa izendatu zen Eskuernagako, Samaniegoko eta Mañuetako udal elkarteko idazkari-kontuhartzaile lanpostua bitarteko funtzionario gisa betetzeko. Izan ere, lanpostu horren titularra, María del Mar Arranz Olmos, zerbitzu eginkizunetan ari zen beste udal batean.

Bada, Eskuernagako, Samaniegoko eta Mañuetako udal elkarteak aldundi honi jakinarazi dio, ezen lanpostu hori berriro ere hutsik dagoela, lanpostu horren titularrak, Agata Ariane López Santana bitarteko funtzionarioak uko egin baitio lanpostuari, 2019ko urriaren 31tik aurrerako ondorioekin.

Ondorioz, Eskuernagako, Samaniegoko eta Mañuetako udal elkarteak iragarkia argitaratu zuen ALHAOn (122. zk., 2019ko urriaren 21ekoa), toki administrazioko gaikuntza nazionaleko edozein funtzionarioek lanpostua betetzea eskatu ahal izan zezan, martxoaren 16ko 128/2018 Errege Dekretuaren 48. artikulutik 51. artikulura jasotako edozein eratan, baina, eskaerak egiteko epea igaro ondoren, deia egin zuen udal elkarteak ez zuen eskaerarik jaso, zuzendaritza honetara bidalitako espedientean egiaztatzen duenaren arabera.

Hortaz, bitarteko funtzionario bat izendatu beharra dago, Gaikuntza Nazionaleko Toki Administrazioko Funtzionarioen Lege Araubidea arautzen duen martxoaren 16ko 128/2018 Errege Dekretuak 53. artikulua leheneago apartatuan xedatutakoaren arabera:

“1. Ezinezkoa denean gordetako lanpostuak gaikuntza nazionaleko toki administrazioko funtzionarioen bidez betetzea, eta urriaren 30eko 5/2015 Legegintzako Errege Dekretuaren bidez onetsitako Enplegatu Publikoaren Oinarrizko Estatutuak 10.4 artikuluan xedatutakoa gorabehera, toki korporazioek autonomia erkidegoari proposatu ahal izango diote, betiere berdintasun, merezimendu, gaitasun eta publizitate irizpideak betez, bitarteko funtzionario bat izenda dezala, zeinak A1 azpitaldera sartzeko eskatutako titulua eduki beharko baitu.”

Hortaz, Eskuernagako, Samaniegoko eta Mañuetako udalen elkarteak IVAPera jo zuen, bere zerrendetatik hautagai bat proposa ziezaion eskatzeko, eta aipatutako lanposturako M<sup>a</sup> Lourdes Miranda Lafuente izendatzea proposatu du, A1 azpitaldera sartzeko eskatzen den titulua baitu eta proposatutako lanpostua betetzea onartu baitu, 2019ko azaroaren 13tik aurrerako ondorioekin.

Nolanahi ere, aintzat hartu behar da lanpostua betetzearen edo lanera itzultzearen ondorioei buruz aipatutako errege dekretuak 54. artikuluan xedatutakoa:

“Baldin behin-behineko edo bitarteko funtzionario batek betetzen badu lanpostua, hura lanpostutik kentzea ekarriko dute, automatikoki, honako hauek: lanpostua behin betiko betetzeak, kapitulu honetan jasotako kasuetan titularra lanera itzultzeak edo behin-behineko izendapen bat, zerbitzu eginkizunetakoa edo metaketa bidezkoa, egiteak.”

Horiek horrela, egoki jotzen da Eskuernagako, Samaniegoko eta Mañuetako udal elkarteak egindako izendapen proposamena onestea.

Euskal Autonomia Erkidegoan izendapen hori egiteko eskumena duen erakundea Arabako Foru Aldundia da, hirugarren xedapen gehigarrian ezarritakoaren ondorioz. Martxoaren 16ko 128/2018 Errege Dekretuaren 51. artikulua honako hau xedatzen du:

Azaldutako guztiagatik, eta abenduaren 18ko 52/1992 Foru Arauaren 40. artikulua ematen dizkidan eskumenak erabiliz, hau

#### XEDATZEN DUT

Lehenengoa. María Lourdes Miranda Lafuente izendatzea, 2019ko azaroaren 13tik aurrerako ondorioekin, Eskuernagako, Samaniegoko eta Mañuetako udal elkarteko idazkari-kontuhartzailearen lanpostua bitarteko funtzionario gisa betetzeko.

Bigarrena. Lanpostuaren titularra bertara itzuli arte izango du eragina izendapen horrek. Dena den, edozein unetan indargabetu ahal izango da bai Eskuernagako, Mañuetako eta Samaniegoko udal elkarteak hala eskatuz gero, bai hura kargutik kentzeko legezko arrazoiren bat izanez gero.

Hirugarrena. Foru agindu hau jakinaraztea interesdunei, Eskuernagako, Samaniegoko eta Mañuetako udal elkarteari eta Eusko Jaurlaritzako Toki Administrazioekiko Harremanetarako eta Administrazio Erregistroetako Zuzendaritzari, bai eta ALHAOn argitaratzeko agintzea ere.

Gasteiz, 2019ko azaroaren 13a

*Lurralde Orekaren Saileko foru diputatua*  
**IRMA BASTERRA UGARRIZA**

*Lurralde Orekaren zuzendaria*  
**JESÚS MARÍA GUINEA DÍAZ DE OTÁLORA**